

Das er ein solches Handtwerck kan/
 Sie hettens ihm sonst nit gethan/
 Nem er ihm für / drumb keinen zorn/
 Sie schüpfen kein golt / sch mit nur ein narn
 Prüssschmeister / peckschirer / sprüch sprecher
 Mögen mit Narren thun ein zechn/
 Sindt nahendt in der freundschaft mit/
 Das einr dem andrn ins fünffte glidt/
 Ein Ruhm odr Freundin nit kan gebn/
 So nahendt thun Prüssschmeister lebn/
 Ja mit den Narren in ihrer zunfft/
 Vnd wollen habn viel mehr vernunfft/
 Als die andern Narren mus ich sprechn/
 Mügn mitnandr wol ein pfeng vor zechn
 Noch wollens ist nit Narren sein/
 Haben doch alle Narren schein/
 Drum b ihr Prüssschmeister nempt vorgut/
 Wenn man euch Narren schelten thut/
 Seid ihr nicht pflichtig das irs leidt/
 Man wels dennoch wol das Narn seid/
 Ich reds kein zu has aber neidt/
 Prüssschmeister sein gar selten gscheidt/
 Las sich nur keiner das vordriessn/
 Gnug von den Lappn ich wil beschliessn/